



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU NEOVISNE LISTE „ZA KUPRES“

Broj: 03-07-6-555/15
Sarajevo, 25. mart 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole je	4
Cilj pregleda i kontrole je.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Neovisne liste „Za Kupres“ za 2014. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da je Neovisna liste „Za Kupres“ prekršila odredbe člana 11. i člana 12. stav (1) i (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Neovisne liste „Za Kupres“ za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2014. godinu, Neovisna lista „Za Kupres“ nije ostvarila prihode niti se finansirala iz kredita, što se vidi iz naredne tabele:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od pr.lica (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propag. (3-g)	0,00	
9.	Ostali prihodi	0,00	
I	Ukupni prihodi (1-9)	0,00	
II	Kreditno zaduženje kod banaka	0,00	
	Izvori finansiranja (I+II)	0,00	

U godišnjem finansijskom izvještaju za 2014. godinu Neovisna lista „Za Kupres“ nije iskazala rashode.

2. PREDSTAVLJANJE POLITIČKE STRANKE

Naziv političke stranke je Neovisna lista „Za Kupres“. Skraćeni naziv je NLK.

Neovisna lista „Za Kupres“ je Rješenjem Općinskog suda u Livnu, broj: 068-0-F1-12-000002 od 15.05.2012. godine upisana u sudski registar političkih stranaka.

Sjedište političke stranke je u Kupresu, ulica Magistralni put bb.

Lice ovlaštene za zastupanje Neovisne liste „Za Kupres“ je Stipo Ćurković, predsjednik političke stranke.

Lice ovlašteno za finansijske izvještaje za 2014. godinu je Janja Barišić..

Prema podacima iz finansijskog izvještaja Neovisna lista „Za Kupres“ nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Neovisne liste „Za Kupres“ za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Neovisna lista „Za Kupres“ u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Neovisne liste „Za Kupres“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Služba za reviziju je izvršila pregled i reviziju finansijskih izvještaja Neovisne liste „Za Kupres“ i to: pregled godišnjeg finansijskog izvještaja za 2012. godinu i reviziju godišnjeg finansijskog izvještaja za 2013. godinu, nakon kojih su izdati izvještaji o pregledu, odnosno reviziji sa mišljenjem revizora i nalazima i preporukama revizije.

Nakon izvršene revizije finansijskog izvještaja za 2013. godinu, stranci su date preporuke: da vodi poslovne knjige, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da poštuje i računovodstvene propise, te u skladu s njima podnosi godišnji obračun, i ovjerenu kopiju istog dostavlja Centralnoj izbornoj komisiji Bosne i Hercegovine.

Nerealizovane preporuke:

Neovisna lista „Za Kupres“ nije ispoštovala preporuke revizije.

5. NALAZI I PREPORUKE

5.1. NALAZI

Neovisna lista „Za Kupres“ je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) Politička stranka nije vodila poslovne knjige, čime je prekršila odredbe člana 11. i člana 12. stav (1) Zakona o finansiranju političkih stranaka.

- Predsjednik Neovisne liste „Za Kupres“ je dana 12.05.2014. godine dao pisanu izjavu u kojoj navodi da stranka ne vodi poslovne knjige¹.

- Politička stranka nije podnijela završni račun za 2014. godinu Agenciji za finansijske, informatičke i posredničke usluge (AFIP).

Član 11. Zakona o finansiranju političkih stranaka propisuje da je politička stranka dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.²

U skladu sa računovodstvenim propisima, stranka je obavezna svake godine podnijeti godišnji obračun Agenciji za finansijske, informatičke i posredničke usluge. Kopiju godišnjeg obračuna, ovjerenog od strane AFIP-a stranka je, u skladu sa članom 12. stav (3) Zakona o

¹ U skladu sa odredbom iz člana 12. stav (1) Zakona o finansiranju političkih stranaka, politička stranka je dužna voditi evidenciju o svojim prihodima i rashodima.

² Ova odredba Zakona o finansiranju političkih stranaka podrazumijeva obavezu vođenja poslovnih knjiga u skladu sa računovodstvenim propisima.

finansiranju političkih stranaka i članom 4. stav (2) Pravilnika o godišnjim finansijskim izvještajima političkih stranaka, dužna podnijeti Centralnoj izbornoj komisiji BiH, skupa sa godišnjim finansijskim izvještajem.

- (2) Finansijski izvještaj za 2014. godinu, Neovisna lista „Za Kupres“ je podnijela Centralnoj izbornoj komisiji BiH 20.07.2015. godine, nakon zakonom propisanog roka³.
- (3) Finansijski izvještaj stranka nije podnijela u formi koju je propisala Centralna izborna komisija BiH, čime je prekršila odredbu člana 12. stav (3) Zakona o finansiranju političkih stranaka⁴.
 - Neovisna lista „Za Kupres“ u finansijskom izvještaju nije iskazala donaciju⁵, u iznosu od 100,00 KM, koju je na transakcijski račun stranke 26.08.2014. godine uplatilo fizičko lice. Neiskazivanjem pomenute donacije, stranka je prekršila odredbe člana 14. Pravilnika o godišnjim finansijskim izvještajima političkih stranaka.
 - Uvidom u izvode sa transakcijskog računa, utvrđeno je da je stranka platila naknadu za vođenje transakcijskog računa u iznosu od 60,30 KM. Stranka u finansijskom izvještaju nije iskazala troškove u istom iznosu, čime je prekršila odredbe člana 21. i 22. pomenutog Pravilnika.
 - Stranka nije iskazala obavezu na dan 31.12.2014. godine u iznosu od 460,00 KM. U finansijskom izvještaju za prethodnu godinu, Neovisna lista „Za Kupres“ je na dan 31.12.2013. godine iskazala obavezu po osnovu pozajmice od Stipe Ćurkovića u iznosu od 460,00 KM. Obzirom da pomenutu pozajmicu stranka nije vratila, niti je dostavila dokaz da je stranka oslobođena njene otplate, utvrđeno je da stranka nije iskazala obavezu, čime je prekršila odredbe člana 24. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Neovisnoj listi „Za Kupres“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi poslovne knjige,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da poštuje i računovodstvene propise, te u skladu s njima podnosi godišnji obračun, i ovjerenu kopiju istog dostavlja Centralnoj izbornoj komisiji Bosne i Hercegovine.***

³ Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.

⁴ U skladu sa odredbama člana 12. stav (3) Zakona o finansiranju političkih stranaka, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

⁵ Uplatu donacije u iznosu od 100,00 KM na transakcijski račun je uplatila Blanka Magaš.

Komentar

Neovisna lista „Za Kupres” nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić